

33820

**REPUBLIKA E SHQIPERISE**  
**GJYKATA E SHKALLES SE PARE TIRANE**  
Nr 33820 Vendimi

**VENDIM**  
**PER**  
**REGJISTRIMIN E PERSONIT JURIDIK**

Sot me date 18/7/.....2005 une gjyqtarja e Gjykeses se Rrethit Tirane M. Dajpa....., pasi shqyrtova kerkesen dhe materialin e paraqitur nga Ministri i Ekonomise, per regjistrimin e shoqerise tregtare "Trajtim i Studenteve" Sh.a. Shkoder,

**KONSTATOVA SE:**

Shoqeria "Trajtim i Studenteve" Sh.a. Shkoder, eshte krijuar ne baze te nenit 1 te Ligjit nr. 8885, date 22.04.2002 "Per disa ndryshime ne ligjin nr. 7926, date 20.04.1995 "Per transformimin e ndermarrjeve shteterore ne shoqeri tregtare", ndryshuar me akte te tjera ligjore.  
Kerkuesi, Ministria e Ekonomise ka paraqitur kerkesen per te regjistruar si person juridik shoqerine tregtare ne formen e nje shoqerie anonime "Trajtim i Studenteve" sh.a Shkoder me kohezgjatje pa afat te caktuar, me aksioner te vetem Ministrine e Ekonomise, me kapital themeltar 157,323,000 leke ndare ne 157,323, aksione me vlere nominale 1,000 leke secili.  
Objekti i veprimtarise eshte: Furnizim dhe trajtim i studenteve me ushqim, fjetje dhe sherbime te tjera.

Dokumentacioni i paraqitur, akti i themelimit, statuti dhe urdheri nr. 184 date 06.07.2005 i Ministrit te Ekonomise jane te plota dhe te bazuar ne ligj dhe si te tilla duhet te pranohen.

**PER KETO ARSYE:**

Ne baze te Ligjit nr. 7638, date 19.11.1992 "Per Shoqerite tregtare" si dhe nenit 33 te Ligjit nr. 7667, date 28.01.1993 "Per regjistrin tregtar dhe formalitetet qe duhen plotesuar ne te",

**VENDOSA:**

Regjistrimin si person juridik te Shoqerise Anonime "Trajtim i Studenteve" Sh.a. Shkoder me kohezgjatje pa afat te caktuar me aksioner te vetem Ministrine e Ekonomise, me kapital themeltar 157,323,000 leke ndare ne 157,323, aksione me vlere nominale 1,000 leke secili.  
Objekti i veprimtarise eshte: Furnizim dhe trajtim i studenteve me ushqim, fjetje dhe sherbime te tjera.

Keshilli i pare mbikqyres perbehet nga:

- Z. Vladimir Pasku
- Z. Shyqyri Llaci
- Zj Valentina Murashi

Kunder vendimit lejohet ankimi ne shkalle te dyte

**GJYQTARE**  
*M. Dajpa*  
.....  
*M. Dajpa*

## AKT-THEMELIMI

### I SHOQERISE ANONIME

Ne Tirane, sot me date \_\_\_\_\_.\_\_\_\_\_.2005, ne mbeshtetje te nenit 102, pika 4 te Kushtetutes se Republikes se Shqiperise, ne baze te nenit 1 te Ligjit nr. 8885, date 22.04.2002 "Per disa ndryshime ne ligjin nr. 7926, date 20.04.1995 "Per transformimin e ndermarrjeve shtetere ne shoqeri tregtare", ndryshuar me akte te tjera ligjore, Ministri i Ekonomise, me cilesine e aksionerit te vetem te Shoqerise,

#### V E N D O S I:

1. Te krijoje Shoqerine Anonime "Trajtimi i Studenteve " Sh.a Shkoder me kapital 100% shtetor.
2. Objekti i veprimtarise se shoqerise eshte: Furnizimi dhe trajtimi i studenteve me ushqim , fjetje dhe sherbime te tjera .
3. Shoqeria do te kete seline e saj ne Shkoder. Ajo mund te çele dege, filiale, agjensi dhe perfaqesi ne te gjithe territorin e Republikes se Shqiperise me miratimin e organeve kompetente edhe jashte shtetit.
4. Kapitali themeltar eshte 157,323,000 leke ndare ne 157,323 aksione me vlere nominale 1,000 leke secili.
5. Shoqeria ka nje zgjatje te veprimtarise se saj pa afat te caktuar.
6. Keshilli i pare mbikqyres perbehet nga:
  - Z. Vladimir Pasku
  - Z. Shyqyri Llaci
  - Zj. Valentina Murashi
7. Ndertimi, organizimi dhe funksionimi i Shoqerise rregullohet sipas dispozitave te legjislacionit shqiptar si dhe ne baze te statutit dhe ketij akti themelimi.
8. Shoqeria fillon veprimtarine me nenshkrimin dhe miratimin e dokumentave te saj themeluese.



Anastas ANGJELI

MINISTRI

**STATUTI**  
**I**  
**SHOQËRISË ANONIME**

NENI 1  
Emertimi dhe selia

Shoqëria Anonime krijohet nga transformimi i ndermarrjes shteterore "Trajtimi i Studenteve" Shkoder. Shoqëria e krijuar në këtë mënyrë emërohet: "Trajtimi i Studenteve Sh.a Shkoder". Selia e Shoqërisë është në adresë: Shkoder.

NENI 2  
Objekti i Shoqërisë

Objekti i veprimtarisë së Shoqërisë është:

8. Furnizimi dhe trajtimi i studenteve me ushqim, fjetje dhe shërbime të tjera.

NENI 3  
Kapitali themeltar

Kapitali themeltar i Shoqërisë është 157,323,000 leke. Numri i aksioneve është 157,323. Vlera nominale e aksionit është 1,000 leke. Në kapitalin themeltar nuk është përfshirë vlera e truallit, gje e cila do të bëhet në një kohë të dytë.

NENI 4  
Transferimi i aksioneve në rast privatizimi.

Transferimi i aksioneve në rast privatizimi do të kryhet me Urdhër të Ministrisë të Ekonomisë, në bazë të legjislacionit në fuqi për privatizimin.

NENI 5  
Organet drejtuese të Shoqërisë

Organet drejtuese të Shoqërisë janë:

- 1) Këshilli Mbikqyres
- 2) Drejtoria

NENI 6  
Këshilli Mbikqyres

- Këshilli Mbikqyres përbëhet nga 3 (tre) anëtarë. Anëtarët e keshillit mbikqyres emërohen nga Ministri i Ekonomisë.
- Kohezgjatja e funksionit të tyre është 4 (katër) vjet. Anëtarët e keshillit mbikqyres janë të gjithë të rizgjedhshëm. Ata mund të revokohen nga titulli i organit që i ka emëruar për shkak të perligjura.
- Anëtarët e keshillit mbikqyres janë persona fizikë. Ata nuk mund të jenë të punësuar në Shoqëri.
- Nëse një ose disa vende të anëtarëve të keshillit mbikqyres mbeten bosh për shkak të vdekjes, shkarkimit ose dorëheqjes, zëvendësimi duhet të kryhet jo më vonë se 3 (tre) muaj. Anëtarët e keshillit mbikqyres të emëruar me zëvendësimin e një anëtarë tjetër, përfundon mandatin e paraardhës.

- Antaret e keshillit mbikqyres te moshes 65 (gjashtedhete e pese) vjec nuk mund te jene me shume se 1/3 (nje e treta) e numrit te pergjithshem te keshillit mbikqyres. Ne se ky raport tejkalohe, antari me i moshuar do te konsiderohet i shkarkuar zyrtarisht.

#### NENI 7

##### Kryetari dhe zevendes kryetari i keshillit mbikqyres

Keshilli Mbikqyres zgjedh ndermjet antareve te tij nje kryetar dhe nje zevendes kryetar, te cilet therrasin mbledhjen e keshillit dhe te drejtojne diskutimet. Ata zgjidhen per te gjithë kohën e mandatit te tyre dhe jane te rizgjedhshem.

Keshilli Mbikqyres mund te ngarkoje nje person si sekretar edhe jashte antareve te tij. Ne rast mungese ose pengimi te kryetarit, mbledhjet e keshillit mbikqyres drejtohen nga zevendes kryetari.

#### NENI 8

##### Vendimet e keshillit mbikqyres

Keshilli mbikqyres mblidhet sa here e kerkon interesi i shoqerise, me thirrjen e kryetarit, ose ne mungese te tij te zevendes kryetarit. Kryetari duhet te therrase mbledhjen e keshillit mbikqyres brenda 15 (pesëmbëdhjetë) diteve kur drejtoria ose 1/3 (nje e treta) e antareve te keshillit mbikqyres i paraqitin atij nje kerkese te motivuar per kete qellim. Nese kerkesa mbetet pa pergjigje ateherë antaret duhet te therrasin mbledhjen e keshillit mbikqyres, duke percaktuar rendin e dites. Ne parim thirrja duhet te behet 3 (tre) dite perpara, me leter, telegram, teleks ose fax. Por thirrja mund te jete e vlefshme edhe me goje dhe pa afat nese antaret e keshillit mbikqyres do ta pranojne ate.

Cdo thirrje duhet te percaktoje rendin e dites.

Mbledhja e keshillit mbikqyres zhvillohet ne seline e Shoqerise ose ne cdo vend tjeter te percaktuar ne thirrje. Keshilli mbikqyres mund te marre nje vendim te vlefshem vetem ne se jane te pranishem jo me pak se gjysma e antareve te tij. Vendimet merren me shumice te thjeshte votash te antareve te pranishem, ne rast barazimi votash, ajo e kryetarit eshte percaktuese.

Keshilli mbikqyres mban nje regjister te pjesmarrjes ne mbledhjen e tij i cili nenshkruhet nga antaret e pranishem ne mbledhje. Vendimet e keshillit mbikqyres evidentohen ne pajtim me dispozitat ligjore ne fuqi, nga kryetari ose zevendes kryetari.

Kopjet e vendimeve vertetohen nga kryetari ose zevendes kryetari i keshillit mbikqyres.

#### NENI 9

##### Kompetencat e keshillit mbikqyres

- Keshilli Mbikqyres ushtron kontroll te perhershëm per administrimin e shoqerise nga drejtoria dhe i jep kesaj te fundit autorizimin per kryerjen e operacioneve qe nuk mund te kryhen nga drejtoria pa autorizimin e keshillit mbikqyres.
- Keshilli Mbikqyres emerone drejtorine. Keshilli cakton njerin prej antareve te drejtorise me cilesine e drejtorit.
- Me emerimin e antareve te drejtorise, keshilli mbikqyres lidh kontrate me ta per detyrimet qe rrjedhin ne administrimin e shoqerise.
- Keshilli Mbikqyres autorizon drejtorine qe te kryeje veprimet dhe te realizoje marreveshjet e parashikuara ne nenet 12 dhe 13 te ketij statuti.
- Keshilli Mbikqyres ka te drejte te kryeje ne cdo kohe verifikime dhe kontrole qe ai i cmon te pershtatshme dhe te njihet me dokumentacionin qe i gjykon te nevojshem per permbushjen e detyres se tij.
- Drejtoria i paraqet raport keshillit mbikqyres te pakten nje here ne tre muaj. Brenda tre muajve nga data e mbylljes se ushtrimit financiar drejtoria duhet t'i paraqese keshillit mbikqyres llogarite vjetore me qellim verifikimi dhe kontrolli.

- Keshilli Mbikqyres i propozon Ministrin te Ekonomise lidhur me keto ceshtje:
  - a) Percaktimin dhe ndryshimin e programit te veprimtarise afatshkurter, afat mesem dhe afat gjate te Shoqerise.
  - b) Kryerjen e investimeve dhe financimeve per vitin financiar si dhe masat e tjera qe do te kerkonin ndryshimin e kapitalit themeltar te Shoqerise.
  - c) Hapja e veprimtarive ose njesive te reja dhe ndryshimin e objektit te Shoqerise.
  - d) Shtjten e pasurive qe perbejne aktivin e qendrueshem te Shoqerise.
  - e) Krijimin e shoqerive te reja dhe pjesemarrjen ne kapitalin e Shoqerive te tjera
  - f) Marrjen e huave afatmesme dhe afatgjate.
  - g) Si dhe cdo gje tjeter qe ne baze te Ligjit "Per shoqerite tregtare" eshte kompetence e Asamblese se Pergjithshme.

#### NENI 10

##### Shperblimi i antareve te keshillit mbikqyres

Shperblimi i antareve te keshillit mbikqyres do te behet ne perputhje me kriteret e percaktuara ne Vendim te Keshillit te Ministrave.

#### NENI 11

##### Drejtoria

- Shoqeria administrohet nga drejtoria, e cila mund te perbehet nga nje ose disa antare. Numri i antareve te drejtorise caktohet nga keshilli mbikqyres me nje vendim te tij.
- Drejtoria e merohet nga keshilli mbikqyres kur per te jane dakort jo me pak se 2/3 (dy te tretat) e te gjitha antareve te ketij keshilli.
- Antaret e drejtorise jane persona fizike, ne te kundert emerimi i tyre eshte i pavlefshem. Ata mund te zgjidhen dhe jashte te punesuarve ne Shoqeri. Nese nje antar i keshillit mbikqyres emerohet antar i drejtorise mandati i tij ne keshillin mbikqyres perfundon. Nje person nuk mund te emerohet antar i drejtorise ose drejtor ne me shume se nje Shoqeri. Antaret e drejtorise mund te emerohen nga keshilli mbikqyres per shkaqe te perligjura. Ne rastin kur i interesuari ka lidhur kontrate punesimi me shoqerine, shkarkimi i tij nga funksioni i antarit te drejtorise nuk eshte shkak per zgjidhjen e kontrates.
- Antaret e drejtorise emerohen per nje periudhe kohe 4 (kater) vjecare. Ne rastet e pushimeve dhe mungesave te zgjatura keshilli mbikqyres ben zevendesimin e tyre.
- Antaret e drejtorise jane te riemerueshem, ata nuk mund te jene mbi moshen 65 (gjashtedhete e pese) vjec. Antari i drejtorise qe mbush moshen 65 (gjashtedhete e pese) vjec konsiderohet i shkarkuar zyrtarisht.
- Paga e antareve te drejtorise caktohet nga keshilli mbikqyres ne perputhje me VKM ne fuqi.

#### NENI 12

##### Kompetencat e drejtorise.

- Drejtoria ka kompetenca te plota per te vepruar ne emer te drejtorise.
- Ne marredheniet me te tretet Shoqeria merr persiper detyrime qe rrjedhin nga aktet e drejtorise te nenshkruar nga antari me cilesine e drejtorit edhe kur keto e tejkalojne objektin veprimtarise se Shoqerise, pervec rastit kur Shoqeria provon se te tretet e dinin qe akti i drejtorise kapercente objektin e veprimtarise se Shoqerise dhe vepronte me keqbesim, ose kur te tretet nuk mund te injoronin kete akt, duke patur parasysh faktin se shpallja e statutit nuk eshte prove e mjaftueshme.

- Akte me te cilat Shoqeria merr persiper detyrimet ndaj te treteve duhet te nenshkruhen nga antari me cilesine e drejtorit ose personi i autorizuar rregullisht nga ky i fundit per keto akte.
- Drejtoria merr vendim me shumice te thjeshte votash te antareve te pranishem kur jane prezent jo me pak se gjysma e antareve te saj. Ne rast barazimi votash, vota e antarit te caktuar me cilesine e drejtorit eshte percaktuese.
- Lidhja e kontratave me afat mbi 2 (dy) vjet dhe me vlere mbi 2 (dy) milion leke behet me autorizim te keshillit mbikqyres.
- Drejtoria ben strukturen e organizimit te shoqerise, te cilen e miraton keshilli mbikqyres.
- Drejtoria harton rregulloren e brendshme te shoqerise dhe e miraton ne keshillin mbikqyres.

#### NENI 13

##### Marreveshjet ndermjet Shoqerise dhe drejtorise ose te nje antari te keshillit mbikqyres

Cdo marreveshje ndermjet Shoqerise dhe antareve te drejtorise ose nje antari te keshillit mbikqyres qofte e drejtperdrejte ose jo e drejtperdrejte duhet t'i nenshtrohet autorizimit paraparak te keshillit mbikqyres. Percaktimi i mesiperme eshte i vlefshem edhe per marreveshjet ndermjet Shoqerise dhe nje Shoqerie tjeter, kur nje antar i keshillit mbikqyres eshte dhe antar i keshillit mbikqyres te nje Shoqerie tjeter, me te cilen propozohet te lidhet marreveshja. Kjo nuk eshte e zbatueshme per marreveshjet qe kane te bejne me veprimtarine rrjedhese te Shoqerise qe kryhen ne kushte normale. Antari i drejtorise ose i keshillit mbikqyres i interesuar duhet te njoftoje keshillin mbikqyres per nje marreveshje per te cilen zbatohet kerkesa e ketij neni te statutit. Antari i ineresuar i keshillit mbikqyres nuk merr pjese ne votimin per dhenien e autorizimit.

#### NENI 14

##### Eksperti kontabel i autorizuar

Kontrolli i Shoqerise ushtrohet nga eksperte kontabel i autorizuar te cilet emerohen nga aksionmbajtesi i vetem dhe qe kryejne misionin e tyre ne pajtim me ligjin.

#### NENI 15

##### Ushtrimi financiar

Ushtrimi financiar fillon me 1 Janar dhe mbaron me 31 dhjetor te cdo viti. Perjashtimisht ushtrimi i pare financiar perfshin kohen nga date e regjistrimit ne Rregjistrin Tregtar deri me date 31 dhjetor.

#### NENI 16

##### Inventari-llogarite vjetore

Shoqeria do te mbaje nje kontabilitet te rregullt te pasurise dhe te veprimtarise se saj ne pajtim me kerkesat ligjore. Ne mbyllje te ushtrimit drejtoria harton inventarin e pasurise ne kete date dhe llogarite vjetore per ushtrimin financiar. Drejtoria pergatit gjithashtu edhe raportin e administrimit per gjendjen e Shoqerise gjate ushtrimit financiar.

#### NENI 17

##### Rezultati i ushtrimit dhe percaktimi i fitimit.

Rezultati i ushtrimit percaktohet si diference ndermjet te ardhurave dhe shpenzimeve te ushtrimit pasi te jene zbritur humbjet e vitit te meparshem. Nga fitimet e ushtrimit te pakesuar kur eshte rasti me humbjet e meparshme, hiqet te p akten 5 % (pese perqind) per te krijuar rezerven e d omosdoshme. Heqja nga

fitimet per rezerven e domosdoshme nuk eshte e detyrueshme, kur kjo rezerve arrin ne 1/10 (nje te dhjeten) e kapitalit themeltar. Ajo rifillon per nje aresye cfaredo, kur rezerva e domosdoshme ka zbritur nen ne 1/10 (nje te dhjeten) e kapitalit.

Perdorimi i fitimit pas zbritjes se rezerves ligjore behet me urdher te Ministrit te Ekonomise.

NENI 18

Emerimi i antareve te pare te keshillit mbikqyres.

Si antare te pare te keshillit mbikqyres:

- Z. Vladimir Pasku
- Z. Shyqyri Llaci
- Zj. Valentina Murashi

NENI 19

Emerimi i ekspertit kontabel te pare te autorizuar

Eksperti i pare i autorizuar emerohet:

- 1. Eftali Qirjaqi

NENI 20

Asambleja e pergjithshme

Te gjitha kompetencat e asamblese se pergjithshme te parashikuar nga ligji nr. 7638 date 19.11.1992 "Per shoqerite tregtare" qe nuk jane shprehur ne kete statut, ushtrohen nga Ministri i Ekonomise me cilesine e aksionerit te vetem.

NENI 21

Dispozita te fundit

Ne nje afat prej 6 (gjashte) muajsh nga data e rregjistrimit te shoqerise ne Rregjistrin Tregtar drejtori i shoqerise do te jete drejtor i ish ndermarrjes shteterore.

Gjate ketij afati ai mund te shkarkohet nga Ministri i Ekonomise vec per shkaqe te perligjura.

NENI 22

Per cfare nuk eshte shprehur ne kete statut, i referohet dispozitave te legjislacionit ne fuqi per Shoqerite tregtare.

 Anastas ANGJELI  
MINISTËR